



12157

唐柳先生集卷之十

誌

唐故中散大夫檢校國子祭酒兼安南都護

御史中丞充安南本管經略招討處置等使

上柱國武城縣開國男食邑三百戶張公墓

誌銘 并序 張舟

漢光中興馬援雄絕域之志 為伏波將軍討交趾 晉武一統陶

璜布殊俗之恩 都督交州 理隨德成功與時並今皇帝 憲宗

載新景命不冒海隅時惟公祗復厥績交趾之理績

于前人公諱某字某某郡人也曾祖彥師朝散大夫

柳文 十卷

尚書駕部郎中祖瑾懷州武德縣令考清朝議郎試

大理寺丞贈右贊善大夫咸有懿美積為餘慶公以

忠肅循其中以文術昭于外推經旨以飾吏事本法

理以平人心始命蘄州蘄春主簿句會敏給 句音構會古外

切厥聲顯揚仍以左領軍衛兵曹為安南經略巡官

申固扞衛有聞彰徹轉金吾衛判官三歷御史績用

弘大揚于天庭加檢校尚書禮部員外郎換山南東

道節度判官復轉郎中為安南副都護賜紫金魚袋

充經略副使遷檢校太子右庶子兼安南都護御史

中丞充本管經略招討處置等使公自為吏習於海



邦凡其比較勤勞利澤長久去之則夷獠稱亂險留

又竹巧切復至而寇攘順化及受命專征得陳嘉暮皓切

誓拔禍本納於夷軌乃命一其貢奉平其歛施牧人

盡區處之方制國備刑體之法道阻而通百貨地偏

而具五人備侍委積侍直里切師旅無庚癸之呼左哀十三

年吳申叔儀乞糧呼曰庚癸乎繕完板翰控帶兼戊

已之位前漢西域志元帝置戊巳二校尉注戊巳中央鎮覆四方文單環王單都寒切

虜姓可單氏後改爲單氏即真怙力背義公於是陸

聯長轂海合朦朧再舉而克殄其徒廓地數圻以歸

于我理焉蠻酋帥負險蔑德公於是外申皇威旁達

柳文 十卷 二一

明信一動而悉朝其長取州二十以被於華風易皮

弁以冠帶化姦宄爲誠敬皆用周禮率由漢儀公患

浮海之役可濟可覆而無所恃乃剌連烏以關坦途

鬼工來并人力罕用沃日之大東成通溝摩霄之阻

若爲高岸若音昔毀也周官有哲族氏而終古蒙利公患疆場之

制一彼一此而不可常乃復銅柱以爲正制鼓鑄既

施精堅是立固圉之下明若白黑易野之守易以鼓切平地

也險逾丘陵而萬世無虞奇琛良貨琛丑林切寶也溢于王

府殊俗異類盈于藁街街名漢有蠻夷邸館優詔累旌其忠良

太史嗣書其功烈就加國子祭酒封武城男食邑三

百戶凡再策勳至上柱國三增秩至中散大夫某年
月薨于位年若干天子震悼傷辭有加明年其孤某
官與宗人號奉裳帷率其家老咨于叔父延唐令某
卜宅于潭州某原葬用某月某日人謀皆從龜兆襲
吉乃刻茲石著公之閔以志于丘窆音釧穿地也以告于

幽明銘曰

周限荆衡秦開百粵交州之治炎劉是設漢武帝元鼎元年置

交趾部德大來服道消自絕伏波南征漢威載烈宛陵

北附晉政爰發晉封陶璜宛陵侯我唐流澤光于有截皇帝

中興武城投鉞肅肅武城惟夫之哲更歷眈贊顯揚

柳文 十卷 三

彰徹既受休命秉茲峻節度其謀猷守以廉潔厚農

薄征匪貊匪桀通商平貨有來胥悅踐山跨海堅其

鶴列陳兵也莊子云鶴列於麗譙之間制噐足兵潰茲蟻結烏蠻屈

服文單剪戒柔遠開疆會朝天闕銅柱乃復環山以

碧攷列切楠墮也海無遺音午寇罔踰越琛賚之獻周于窮

髮不毛之地帝嘉成德載旌茂閔增秩策勳土封斯裂位

厄元侯年虧大耄邦人號呼夷裔悽咽卜葬長沙連

岡啓宍書銘薦辭德音罔缺

唐故邕管經略招討等使朝散大夫持節都

督邕州諸軍事守邕州刺史兼御史中丞

公諱某字其實惟文皇帝之玄孫別子曰承乾別筆列切

為皇太子以藩愛逼奪危慄致禍後封恒山為愍王

贈荊州大都督繼別曰象斬春郡太守贈越州大都

督鄆國公大宗曰玼禮記別子為祖繼別為宗繼稱者為小宗注曰別子為公子始

來在此國者後世以為祖繼別為宗首別子之世嫡也族人尊之謂之大宗是宗子也繼稱為小宗者父

之嫡也兄弟尊之謂之小宗太子詹事贈秘書監生真翼二音尚書

左丞凡四代有土田居貴仕公丕承之以率南服克

荷天休繼有功德公始以通經入崇文館登有司第

選同州參軍入佐金吾衛右金吾大將軍范希朝秦位佐其府進太僕

柳文 十卷 四

主簿參引大駕府移為左右神策行營兵馬節度以

為推官貞元元年范希朝為左右神策京西諸城鎮行營兵馬節度使鎮奉天復奏位為府推官

拜監察御史賜緋魚袋凡二使其率皆范司空希朝

率所類切進殿中侍御史湖南都團練判官以寬通

簡大輔治得中道府遷主後事師人愛慕欲以貞元

故事為請公恐懼扣留復從浙東為都團練副使轉

侍御史又從浙西如其職加著作郎凡三使其率皆

薛大夫革刺岳信二州得劉向秘書以能卒化黃白

日召徒試術為仇家上變就鞫無事勅笞殺告者猶

降建州司馬陟刺泉州會烏猗夷刺殺郡吏猗字諸韻無疑

是狝牛佳魚巾二切楚詞猛鳥信大 毆縛農民詔以

公都督邕州兼御史中丞賜紫金魚袋為經略招討

使既至則鞞弓橐甲鞞與破同它刀切弓木也橐音託囊也去斥候禁

部內無敢以賊名使得自斡濯諸酋長咸頓首送款

故虜獲輸稅奉貢願比內郡人遣子吏都督所言為吏於

郡督之所人復耕稼無有威刑居五月頃有黑螭鼓江流

壞北岸直城南門覆船殺人然後去父老泣曰吾公

其殆矣嘗合汞童云汞亦作頤胡貢切水銀也流黃丹砂為紫丹能

入火不動以為神服之且十年然卒以是病暴下赤

黑數日薨實元和十三年六月十五日年五十七僚

柳文 十卷

宰庀事有緹五兩緹音題赤色帛兩音量力讓切無金銀泉貝幾不

克歛夷人號呼致幣歸以明年月日葬附其穆長安

西南高陽原上夫人陳氏先公十五年没父曇亦都

督邕州終孤孟輿愿且文亞曰仲權次曰季謀年自

九歲以下有兩婿博陵崔行儉勁峭有立志榮陽鄭

師貞敏捷能群皆聞名銘曰

文濬維祥文皇帝即太宗實且實延冢讒不嗣太子承乾宗以支

傳郇公克庸詹事繼賢湜湜左丞湜視力切惟道之宣公

寬且惠以教則順五叅戎攻三佩郡印師歡民愛克

懷以信設辭告誦一作卒白其訊烏猗猖狂盜海剽

山帝命于南巡彼群蠻虎龍煌煌英蕩是將周禮山國用虎

節澤國用龍節皆全為之舟之金玉以為公服詩何

象龍虎之狀英蕩凶器公既蒞止告以文理推義赴仁弑弓服矢

之維王及瑤丹帶也關是垣壘完其父子復我邦賦弛予卒士貌不功矜

情不伐喜蠻人涕懷投刃以俟方底成績蟲孽告妖

悍石構灾升屋而號平聲招寬也出禮運椎髻卉裳椎音榘髻音介謂髻

如椎也卉論里切蕉葛之服並南蠻之飾來賻來觀撫膺鱗原祔之顯魂

松柏芊芊音千封域安安代有高墳堯文之孫

唐故邕管招討副使試大理司直兼貴州刺

史鄧君墓誌銘

柳文 卷十 六

君諱某字某南陽人漢司徒禹之世也曾祖倚皇連

州普城令祖少立皇滄州司馬考邕皇左武衛兵曹

參軍惟君敏給以御下廉忠以承上幹蠱之稱洽於

諸侯信謹之跡彰于所莅故自始仕以至沒世未嘗

無聞焉初以試太常寺奉禮郎更職於劔南湖南江

西前後連帥咸器其能以柄於事於劔南佐節度韋臯則

亭擬閣實亭平也閣實調檢閱校實也書閣實其罪以循官刑盡哀敬之

情致淑問之頌寬猛之適克合于中於湖南佐觀察楊憑

則外按屬城內專平淮莅卅人錫石之地卅音曠右孟切周禮

有卅人掌金參鳧氏鼓鑄之功周禮鳧氏為鍾兩鑄謂之統統間謂之于

于上謂

溢山告祥國用益贍吏無並緣以巧法

並謂浪切

人無怨讟以苦役

讟音讀怨也

凡處斯職莫能加焉於江

西

佐楊馬

則旁緝傳置下繩支郡俾無有異政以一於

詔條財賦之重待君而理無何邕州經略使路公恕

奏署試大理評事兼貴州刺史叅帷幕之任董龜虎

之威

龜印虎符

夷俗敬愛革面受事朝廷將以武定南服

命安南大校御史中丞趙良金為邕州復以君兼招

討判官錄其異能奏加司直升招討副使兼統橫廉

貴三州事龙茸之下

龙莫江切茸如容切亂貌

直道有立獷悍之

內

獷古猛切悍音汗

義威必行賦增而不擾法一而無憾然

柳文

十卷

七

以憂慄間於多虞

間音閑出左傳哀公五年

卒成耳目之塞遂致

齒牙之猾

國語齒牙為猾謂讒口之為害

元和五年五月二十一日

疾卒於公館年五十五明年某月日返葬於潭州某

原夫人隴西李氏大理評事練之女年三十三貞元

十六年終於郴州有子四人曰贄曰某贄十三年矣

哀禮具焉京兆尹弘農公

京北尹楊憑弘農人

始由湖南為江

西再以君為從事知之最厚痛君之能不施於劇任

惜君之志見屈於群疑且以誌授宗元使備其闕古

者觀其所使而知在上之德今也觀其所使

一本作以而

知在下之誠嗚呼可無辭乎銘曰

曼姓之裔春秋鄧國曼姓司徒隆漢漢鄧惟君是承

有植其幹始屬奉常出叅藩翰議獻西蜀戰語蹇魚

切並議平其徃行陞岸二音上巡視南楚總茲條貫戰魚列三

亦專傳館傳直去牧荒陬將侯切隅也謂肅其聽斷

效數以息效數即暴戾斯逕行非選事進不避難始

賴其寧終聞見憚疾與憂積志隨魄散年極書中身文

王受命惟中身英茲高岸才耶命耶君子興歎

中身年五十也

呂侍御恭墓銘呂溫之弟

呂氏世居河東至延之始大以御史大夫為浙東道

柳文十卷

節度大使延之生渭為中書舍人尚書禮部侍郎刺

湖南七州生四子溫恭儉讓以溫為尚書郎再贈至

右僕射恭字敬叔他名曰宗禮或以為字實惟呂氏

宗子尚氣節有勇略不事小謹讀從橫書理陰符握

機孫子之術周書陰符九篇握機亦曰我師尚父呂

尚父大父洎先人咸統方岳今天下將理平蔡交

冀幽洎戎猶負命蚤夜呼憤以為宜得任瓜牙畢力

通天子命作文章咸道其志云又曰由吾兄而上三

世世為進士吾為文不墜教戒獨武事未克續厥緒

因棄去從山南西道節度府佐節度掌書記預謀畫

不甚合以試守軍衛佐加協律郎入薦為長安主簿復出以監察御史叅江南西道都團練軍事佐韋府

表進殿中侍御史為桂管都防禦副使元和八年去

桂州相國尚書鄭公遮留鄭網假嶺南道節度判官至

廣州病瘡瘡瘡音皆與瘡同加帶音帶六月二十八日卒妻裴

氏戶部尚書延齡女有丈夫子三人曰爽曰瓌曰特

女子三人曰環曰鸞曰倩皆幼行於道而倩又死遂

以柩如洛陽祔葬於大墓欵志呂氏世仕至大官皆

有道宜興於世温洎恭名為豪傑知者以為是必立

王功活生人不幸温刺衡州年四十卒恭未及理人

柳文 十卷

年三十七又卒世固有有其具而不及其用若温恭

者耶恭貌竒壯有大志信善容物宜壽考碩大而又

不克呂氏之道惡乎興銘曰

颯颯之風乎不可追颯音馬美哉颯颯乎見左傳襄二十九年一說當作泱泱齊風也

有志之大乎今安歸呂君去我死乎吾誰依

唐故嶺南經略副使御史馬君墓誌

元和九年月日扶風馬君卒命于守龜祔于先君食

龜食墨也尚書云惟洛食卜癸明年某月庚寅亦食其孤使來以

狀謁銘宗元刪取其辭曰君凡受署往來桂州嶺南

江西荆南道皆大府凡命官更佐軍衛錄王府事峇

馮令音馮音潘愚江陵戶曹錄府事監察御史皆為

顯官凡佐治由巡官判官至押番船使經略副使皆

所謂右職凡所嚴事御史中丞良未詳司徒佑杜嗣

曹王臯李尚書胄戴尚書伯儀張伯儀尚書昌趙皆賢

有勞諸侯其善事凡管嶺南五府儲峙嶺南五府嶺

邕也時文里出卒致穀以謀叶平哥舒晃大曆八年

切亦作峙假守州邑謂為番民以便安

殄火訛殺吏威殺去海鹽增羨邦賦大減所至皆用

是理年七十不肯仕曰吾為吏逾四十年卒不見大

者今年至慮耗至謂年終不能以筋力為人羸縮因

柳文

十卷

罷休以經書教子弟不問外事加七年卒君始以長

者重許與聞凡交大官皆見禮司徒佑嘗以國事徵

顧謂君曰願以老母為累受託奉視優崇至忘其子

之去君諱某字某曾祖某某官祖某某官父某某官

嗣子隴西李氏出曰徵由進士為右衛胄曹早沒次

四子皆京兆韋氏出曰徵曰做曰敏曰庭女一人嫁

柳氏壻曰宗一其銘曰

不懈于位不替于謀慮殺以平殺口候切撫民以蘇

憐火不孽悍吏不牟惟寶于鹽亦羸其籌公以忠施

私以義躋既至于年乃靜于懷衣柔膳甘子侍孫携

侍一作振觀經考古教導斯齊克壽克樂嗚呼終哉于陰之原爰位其墓千萬子孫來拜來附

唐故安州刺史兼侍御史貶柳州司馬孟公

墓誌銘 孟孟常謙

孟氏之孤曰遵慶奉其父命書九篇為善狀一篇來告曰月日君薨月日將葬于某敢請刻辭嗚呼公自假左贊善大夫桓王司馬大常少卿為義成軍中軍兵馬使其帥魏國公勳為宰相 賈命公左領軍衛將軍事德宗順宗今上立朝九年加朝議大夫居喪會用兵于趙起復居故官為左神策行營先鋒兵馬使

柳文

十卷

十一

知牙而趙兵罷不受祿去金革服喪終期命安州刺史仍加侍御史安州防遏兵馬使貶柳州司馬公嘗佐魏公平襄陽靖梁州立義威軍魏公弘大恢奇公能以任軍政是以又為衛將軍度恭繁廉動得禮節伐趙之役堅立堡壘誓死麾下法制明具權力無能移進不避患退不敗禮安州迫寇攘 近淮西吳元濟境 多戎事政出一切吏以文持之故貶明年用兵于蔡朝廷諸公洎外諸侯咸以公為請未及徵氣乘肺溢為水浮膚而卒年六十惟公志專于中貌嚴于外嘗立廷中毅然望之若圖形刻像閭國難輒不寢食謀度憤

吒陟駕切以故病不可治曾祖某官諱某祖某官諱某

父某官諱某公之諱曰常謙子遵慶弟曰某銘曰

魯仲孫氏其世為孟賁勇光武賁音奔古勇士軻儒紹聖公

傳師法以訓戎政執稽以庸稽士卒兵器簿書也周禮聽師田以簡稽是也

咸致厥命濟濟于朝冕服以光墨非從利起復用墨衰終

役復喪忠孝孔明君子攸彰昔者雲中六級下吏漢魏

尚公刺于安法亦可議黜伏南荒豪士歎歎音希又音戲

聞難以激去食廢寐神垂氣離支膈莫遂廷臣進言

侯伯拜章帝命將施俄什于京代山九九九九松柏高直貌詩

柳文 十卷 十二

故連州負外司馬凌君權厝誌凌準

年月日尚書都官負外郎和州刺史連州司馬富春

凌君諱準卒于桂陽佛寺先是六月告于州刺史博

陵崔君曰余堂學黃帝書切脉視病今余肝伏以瀦

音色脉不滑也腎浮以代將不臘而死審矣凡余之學孔氏

為忠孝禮信而事固大謬卒不能有示乎世者命也

示又作立臣道無以明乎國子道無以成乎家下之得罪

于人以謫徙醜地上之得罰于天以降被罪疾余無

以禦也敢以鬼事為累又告為老氏者某曰余生於

辰今而寓乎戌辰戌衝也吾命與脉叶其死矣乎吾

罪大懼不克歸柩於吾鄉是州之南有大岡不食

禮記

檀弓子高曰我死則擇不食之地而葬注謂不耕墾吾甚樂焉子其以是葬吾

及是感如其言云孤夷仲求仲以其先人之善余也

勤以誌為請嗚呼君字宗一以孝悌聞于其鄉杭州

刺史常召君以訓于下讀書為文章著漢後春秋二

十餘萬言又著六經解圍人文集未就有謀略尚氣

節調人之急出貨力猶棄糶糶糶音七稗旁年二十

以書于丞相丞相以聞試其文日萬言擢為崇文館

校書郎又以金吾兵曹為邠寧節度掌書記涇之亂

一涇上有泚字建中四年涇原兵反推未泚為主以謀畫佐元戎佐節度韓游瓌破賊

柳又

十卷

十三

有常有大功累加大理評事御史賜緋魚袋換節度

判官轉殿中侍御史府喪外寮節度張獻甫卒罷職後遷侍御

史為浙東廉使判官佐觀察賈全撫循罷人罷音疲按驗汙

吏吏人敬愛厥績以懋粹然而光聲聞于上召以為

翰林學士德宗崩邇臣議秘三日乃下遺詔君獨抗

危詞以語同列王伾畫其不可者十六七乃以旦日

發喪六師萬姓安其分遂入為尚書郎仍以文章侍

從由本官參度支調發出納姦利衰止利一作吏以連累

出和州降連州居母喪不得歸而二弟繼死不食哭

泣遂喪其明以沒蓋君之行事如此其報應如此夫

人高氏在越孤四人南仲殷仲在夫人所未至執友
河東柳宗元哀君有道而不明白於天下離愍逢尤
天其生且又同過謂同故哭以爲志其辭哀焉銘曰
噫凌君生不淑學孔氏揚芬郁好謀謨富天祿讎禁
書贊推轂觀靈龜獲貞卜徙東越翊明牧罷人蘇汚
吏覆升侍從躬啓沃匡危疑興大福吏尚書徒隸庸
佐經邦財用足道之躋身則辱烏江垂和九疑麓連
山仍禍凶遭茲酷能知命無怨毒罪不泯死猶僂音
何以塋南嶺曲魂有靈故鄉復封茲壤歸骨肉爲之
銘志陵谷

柳文

十卷

十四

故連州負外司馬凌君墓後誌

元和某年月日立太子赦下豈有非其罪柩得返葬
凌氏孤夷仲求仲自連桂陽舉其先人之柩龜筮吉
利某年月歸于杭之新城祔于其墓刻前志志其行
益以後志志其時立碣於墳東南隅申志於外噫亦
勤矣以其先人之行宜克大于後以其孤之志宜克
承于初艱其躬以延于無窮承而大宜哉

故嶺南鹽鐵院李侍御墓誌

天寶中詔李氏由涼武昭王以下唐高祖十世祖諱暉皆得籍
宗正故沂州刺史福以姑臧人附屬於寧歧爲族曾

祖生樂壽令昱昱生號州司馬叶世以儒聞叶生監

察御史瀚字濯纓明兩經仕歷永興臨晉尉會天子

方事誅伐南平蔡平吳元濟北復趙王承宗綱德棣西走

戎吐蕃東討齊魯伐李師道五年間兵征卒戍糴行千里凡

進用唯財賦為難君以試大理評事佐荆南兩稅使

督天下諸侯之半調食饒給車擊舟連一作繫又守湘

南鹽鐵轉運院湘一作湖以能遷官移嶺南益積功勞以

介厲敦勤為卒率一無群吏先年五十三元和十三年

日卒妻廬江何氏凡五世世鄭出父曰士鏐一作鏐

季父曰士幹有大名君之子二人曰夔曰導女一人

丁其夔導皆幼不能事何夫人哭且戒柩行萬里人

戶觀其禮焉堊關州明年某月日甲子銘曰

涼為帝基克顧厥胤皇弘國牒四邑顯進沂以屬尊

世仕倚儒憲憲濯纓亦用學徒既毅既官式想爾勞

四方用師卒食之饒致其廉介率是諸侯于荆于交

關石是鈞邦有休功惟吏之勤冀施于大以盡其有

孰司壽夭君不克久吉日來祔伊闕之墓子嗣孫承

有達宜興銘詔于神永永是徵

柳文 十一卷

十五

銘詞甚朗逸

唐柳先生集卷之十

唐柳先生集卷之十一

誌碣誄

故試大理評事裴君墓誌

裴氏之昭曰：潯戶部尚書諱某，裴守穆曰：起居郎諱

某，裴儵生均州刺史諱某，裴叔均州與其弟大理，裴伯

言更為刑部郎用文史名於朝，善杜禮書，長子曰某

射進士策不中，去過汴韓司徒弘，即弘之取為從事

以聞拜太子通事舍人，進大理評事，當伐蔡及鄆，音

蔡謂吳元濟汴常為軍首贊佐有勞，既事將侍太夫

人于京師道發疽，子余元和十四年月日終於河南

柳文 十一卷

敦厚里年若干，字曰某，弟某以其喪歸，葬于某縣某里，未果娶有男子二人，女一人，男之長曰某，通兩經

始杖且廬，銘曰：

世守不遷，秀于士鄉，不利有司，爰客于梁，梁委其躬

乃相戎政，官巨理屬，官臣太子舍人仍受國命，南蔡

北曹，李師道有鄆曹五載首兵，柔剛輔理，平視太平

馬牛既寧，謂放馬歸牛告養于京，棧車草草，祿仕我

來周道，載飢載勞，神奪其孝，形經于洛，魂其馬如，庶

終爾誠，陰侍里間，膳飲不違，有弟之恭，既安且盈，厥

志斯從，銘之故人，以慰爾衷。



故大理評事柳君墓誌

柳寬

晉之亂柳氏始分

晉侍中柳景猷長子者為汝南太守少子純為平陽太守

曰者

為汝南守居河東又五世曰慶相魏魏相之嗣曰旦

仕隋為黃門侍郎其小宗曰楷

柳旦長子則次子楷以其居次故曰小宗

至于唐刺濟房蘭廓四州楷生夏縣令府君諱繹繹

生司議郎府君諱遺愛皆葬長安少陵原遺愛生御

史府君諱開英南陽其嗣曰寬字存諒讀其世書揚

于文辭南方之人多諷其什頗學禮而善為容

前漢儒林

傳徐生善為容修更事始仕家令主簿進左驍衛兵曹試大

理評事為嶺南節度推官荆南永安軍判官府罷為

柳文 十一卷 一

游士出桂陽下廣州中厲氣嘔泄卒於公館元和六

年八月七日也年四十七前娶琅邪王拱子拱國子

祭酒後娶河東裴陵子陵告成令裴氏之出曰裴七

君之從弟以君之喪歸過零陵哭且告于宗元曰吾

伯兄從事嶺南其地多貨其民輕亂能以簡惠和柔

匡稱所奉假守支郡海隅以寧闔恨仇怨敦諭克順

從公于荆綏戎永安仍專郡治政用休阜是時蜀寇

始滅

誅劉

邦人瘡痍懷君之澤感忘其痛其理也惠

而不施之於大其行也和而不至于年其言也文而

不顯其聲今將以其月日祔葬苟又不得令辭而誌

馬是無以蓋前人之大痛敢固以請嗚呼余懼辭之
不令以為神羞余曷敢不諾銘曰

柳族之分在北為高充于史氏世相重侯中書之世
實曰蘭州夏縣政良司議德優營營御史乃佐元侯

惟君是嗣其政克修儲闈補吏環衛分曹南越之阨
從事以寧永安披攘荐仍于兵是董是經既柔且平

浩浩呻呼革為和聲胡不使壽而奪之齡樞于海壖
而綠切壙于鄧邦壙苦謗切厥弟孔哀惟行之恭呱呱

小子縶而不廬呱音孤縶音充充令妻鬢首而居側
瓜切禮記曰男子免而烏獸號鳴助我踟躕刻此悲

婦人髮以麻約髻也
柳文 十一卷 三
辭藏之奧隅

○ 故秘書郎姜君墓誌

秘書郎姜粵音字某開元皇帝外孫也始楚國公皎

與上流益貴幸于慶初得尚某公主皎與玄宗有潛
生未碎玄宗許尚主後淪落二十年李林甫為相即

皎之甥從容奏之天寶十載收詔尚新平公主授駙
馬都尉生粵粵生三日上曰他物無以餉吾孫即勅有
司以第六品告與緋衣銀魚得通籍出入凡名是官

七十某年終不徙然其間在蜀漢荆楚以大諸侯命
守州邑輒以勞稱時缺則復命好游嗜音以生貴富

畜妓能傳官中聲賢豪大夫多與運歡後加老風病

手足奇

音畸

右弗用不能就官士有載酒來則出妓搏

髀

音陛

笑戲觀者尚識承平王孫故態元和十四年

月日終杜州都督御史中丞裴公曰噫帝戚也葬不

可以廉爲具物祭以豚酒月日葬州東南一里子某

年若干母曰雷姬銘曰

始賤終貴於世爲遂勿榮老窮在物爲凶均之得喪

誰缺誰豐若君者銀朱於始生鐘鼎以及壯不矍矍

於進取

矍矍居縛切

不施施於驕伉左絃右壺樂以自放雖

老而客死未嘗戚乎已與夫拳拳恐悸

其季切心動也

蒙詔

負義得之拘拘榮不蓋愧以終其身而不能止者不

柳文

十一卷

四

猶優乎

亡友故秘書省校書郎獨孤君墓碣

嗚呼有唐仁人獨孤君之墓耐于其父太子舍人諱

助之墓之後自其祖贈太子少保諱問俗而上其墓

皆在灞水之左今王父營陵於其側故再世在此嗚

呼獨孤君之道和而純其用端而明內之爲孝外之

爲仁默而智言而信其窮也不憂其樂也不淫讀書

推孔子之道必求諸其中其爲文深而厚尤慕古雅

善賦頌其要咸歸于道昔孔子之世有顏回者能得

於孔子後之仰其賢者譬之如日月而莫有議者焉

嗚呼獨孤君之明且仁如遭孔子是有兩顏氏也今

之世有知其然者其信於天下乎

一本作今之世有知其然者乎知之

者其信於天下乎

使夫人也天而不嗣世之惑者猶曰尚有

天道噫乎甚邪君諱申叔字子重年二十二舉進士

又二年用博學宏詞爲校書郎又三年居父喪未練

而沒

禮記注練小祥也

蓋貞元十八年四月五日也是年七

月十日而葬鄉曰某鄉原曰某原嗚呼君短命行道

之日未久故其道信於其友而未信於天下今記其

知君者于墓韓泰安平南陽人李行謀元固其弟行

敏中明趙郡贊皇人柳宗元河東解人崔廣略清河

柳文

十一卷

五

人韓愈退之昌黎人王涯廣澤太原人呂溫叔東

平人崔群敦詩清河人劉禹錫夢得中山人李景儉

致用隴西人嚴休復玄錫馮翊人韋詞致用京兆杜

陵人

故襄陽丞趙君墓誌

趙公矜

貞元十八年月日天水趙公矜年四十二客死于柳

州官爲歛葬于城之野元和十三年孤來章始壯自

襄州徒行求其葬不得徵書而名其人皆死無能知

者來章日哭于野凡十九日唯人事之窮則庶於卜

筮五月甲辰卜秦嗣

直廉切言利美也又人名見廣韻

兆之曰金食

其墓而火以貴其墓直丑在道之右南有貴神冢土是守乙巳于野宜遇西人深目而髯如占切頰鬚也其得實

因七日發之乃覲其神明日求諸野有叟荷杖而東者問之曰是故趙丞兒耶吾為曹信信一本作於是是邇吾

墓噫今則夷矣直社之北二百舉武武步迹也吾為子蕞

馬蕞祖枕切束茅表位叔孫通傳辛亥啓土有本馬發之緋衣緞衾

緞將侯切青赤邑凡自家之物皆在州之人皆為出涕誠來

章之孝神付是叟以與龜偶不然其協焉如此哉六

月某日就道月日葬于汝州龍興縣期城之原夫人

河南源氏先沒而祔之矜之父曰漸南鄭尉祖曰倩

柳文 十一卷 六

之鄆州司馬曾祖曰弘安弘即私字金紫光祿大夫國子

祭酒始矜由明經為舞陽主簿祭帥反吳女誠反犯難來

歸擢授襄城主簿賜緋魚袋後為襄陽丞其墓自曾

祖以下皆族以位時宗元刺柳用相其事哀而旌之

以銘銘曰

訓也挈之信也絕之有朱其紱神具列之懇懇來章

神實恫汝音通痛也錫之老叟告以兆語靈其鼓舞從而

父祖孝斯有終宜福是與百越羨羨羈鬼相望音忘羈鬼

謂羈旅而亡者有子而孝獨歸故鄉涕盈其銘旌爾勿忘

故溫縣主簿韓君墓誌

有唐故溫縣主簿韓慎字某漢弓高侯其先也

韓王信子

類當封弓高侯

徙于南陽傳世至今唐侍中諱瑗克用貞亮

奮于國難侍中兄子郢州刺史諱某某生御史著作

郎諱某某生尚書庫部郎中萬州刺史諱某嗣以文

行大其家業君萬州長子也

萬州三子慎豐恭

以父任爲建

陵挽郎累調授王府叅軍襄州襄陽尉至于是邑貞

元十六年又調于天官署河陽丞未拜十有一日暴

病卒于長安永崇里先人之廬又十有一日龜策襲

吉耐于咸陽洪瀆原先人之墓禮也先三日外姻家

老謀爲之志季弟泰哀不能文故託于友焉嗚呼生

柳文

十一卷

七

也以其弟之恭知君之爲友沒也以其弟之感知君之爲愛惟友愛出于孝移于忠施於人事無往不達

余故得受其辭書于石曰

友而愛而忠孝宜之貌稱其行行稱其詞賤而不壽

爲善是悼耐于祖考初筮攸告季也之純寘哀無垠

終窶且貧

窶群切

控于仁人備物稱家其儀式陳爰相

其悲載刻茲珉

東明張先生墓誌

東明先生張氏曰因嘗有以文薦於天子天子策試

甚高以爲長安尉一年投去印綬願爲黃老術詔許

之居東明觀三十餘年受畢法道行峻異得最真秘
書訣錄聚經籍圖史俾於麟閣漢有麒麟閣藏書之府以弟回

降秩封州先生曰吾老矣支體不可解也遂從以去
明年回之子襲死哭之慟遂病既亟以命回曰吾生
天寶訖貞元乙酉歲十月今死于汝之手盈吾志矣
京師吾生也畢原先人之歸也必以返葬乃自爲誌
而卒明年正月某日葬如其言弟子某等爲碑以誌
于墓辭曰

匪祿而康匪爵而榮漢馬以虛充焉以盈言而不爲
華光而不爲名介潔而周流苞涵而清寧幽觀其形

柳文

十一卷

八

與化相冥寂寞以成其道是以勿嬰世皆狂狂奔利
死名我獨浩浩端一以生或曰先生友弟以遁慈幼
以死若不能忘情者何耶吾曰道去友耶去慈耶從
容以求其得之耶盪莽狠悖道之非耶且夫虧恩壞
禮枯槁顛頽墮聖圖壽離中就異歟然與神鬼爲偶
歟許勿呼頑然以木石爲類空洞而不實窮老而無
臭二切死先王之道固知異夫如此也乃書于石以紀

虞鳴鶴誄

并序

維某年月日前進士虞九臯字鳴鶴終于長安親仁
里既克葬于高陽原二三友生皆至于墓哀其行之

不昭于世，追列遺懿，求諸后土，申薦嘉名。實曰恭甫，乃作誄曰：

吳虞之分爰宅，上陽其後優游。在越爲鄉，

虞氏世爲會稽人

延詔輔漢，

後漢虞延爲司徒，虞詡爲尚書令。

恢定封疆，東徙之賢時。

惟仲翔，

虞翻字仲翔。

曰：預曰：喜在晉，克彰義篤斯文。有苾

其芳，秘書多能，垂耀于唐。

虞世南爲秘書少監。

洎于漢陽，世德

以昌，

漢陽，沔州，父當，沔州刺史。

毗贊尚父，

上聲，尚父，郭子儀也。虞當爲子儀從事。

休

徽用揚，惟我先君，

子厚，文鎮爲子儀，詔室。

並時翱翔，治主記室。

蔚其耀光，實契伯仲，永永不忘。漢陽元子，實紹其美。

傳襲儒風，彪炳文史，克恭以孝，惟禮是履。譽洽于鄉，

柳文

十一卷

九

論爲秀士，百郡之選，叢于京師。昧沒騰藉，乘凌蔽欺。

生之始至，則奮其儀，退默以謙。

默一作然。

人悅而隨，名卿

是挈先進，咸推方出。群類振耀于時，禍丁舅氏，漂淪

海沂，捧計號呼，匍匐增悲。喪有幼主，禮或多遺。孰狗

于名，而不是思。投袂就道，乘艱若夷。竭誠喪具，申敬

裳帷，萬里來復。祇祔于墓，遽不凌節。儉而有度，由其

溫恭。守以貞固，行道咨嗟。觀禮興慕，復從鄉賦。煥發

其華，克不再舉。聞于邦家，倚閭千里。歡咏斯多，姻族

盈門。載笑且歌，君之不淑。名立志沮，慶歸其鄉。身終

逆旅，生死已間。壽觴方舉，賀書在途。委骨歸土，哀歡

易地弔慶交戶神胡不仁降此大苦嗚呼哀哉惟昔

夏首柳鎮為岳鄂都團練判官虞當刺沔州羈貫相親貫與坤同總角通家修

好講道為鄰既冠于乍思致其身升于司徒及爾繼

年交歡二紀莫間斯言愉乎其和確爾其堅更為砥

礪咸去韋弦西門豹性剛急常佩韋以自緩董安于性寬緩常佩弦以自急今則遽

已吾其缺然嗚呼哀哉諒行謀諡惟古之道生而無

位沒有其號惟是友生徘徊顧悼爰用壹惠表記先王諡以

尊名節以壹惠汪瑩譽雅多以其有一大善者為諡幽明是告温温其恭惟德

之經先民有作今也是旌嗚呼恭甫欽此嘉名

故處士裴君墓誌

柳文

十一卷

十

河東聞喜裴君聞喜縣名屬絳州諱某字某好學未仕年若

于元和十四年月日終於京兆渭南墅丞與切田廬也君之

弟中丞公督桂州裴行立命其僚柳宗元以銘君之出

河間邢群以狀來告曰曾祖諱某裴守真寧州刺史贈

戶部尚書祖諱某裴橋起居郎父諱某裴伯言尚書刑

部員外郎議官及浮圖事獨出載在史冊以八使行

天下當河北道疑危頑很難處分之地用天子命制

斷得宜於是為第一天下皆仰以為相會疾終再贈

至大理卿長老咸曰裴氏世積德起居丞相弟也承相

裴耀卿以文史用大理名世人也咸聞而不大君以友

悌慤植承其休光幽而不揚豈天鍾美於中丞膏而不克並耶不然君無位以天其可問哉君前娶韋氏成都少尹士謨女生二子字曰某名曰某以文敏中丞公尤愛幸恒從不幸卒於桂林某舉明經後娶於薛氏無子父窆位卑是年月日葬渭南某里遷韋夫人之喪韋一作奉自萬年來有俟猶異室銘曰

疇之沃沃宜其嘉穀有耕有耨同施異祿明昭次穆丞相之族尚書之孫大理之門有慶實延宜頌而繁不位不羊晦于丘園懿懿大理惟德之元權佞抑釋太史是論黜陟異幽邦命以尊神晉豐福不弃于君柳文十一卷十一渭之洋洋爰墓其南孝思是懷祖考之依郡人作銘惟相其哀

○ 單季子墓銘

單季子其人生愛書貧甚尤介特不苟受施

施智讀功

經傳言其說數家推太史公班固書下到今橫豎鈎

貫又且數十家通爲書號單子史纂又取鬻老管莊

子思晏孟下到今其術自儒墨名法至於狗彘草木

凡有益於世者爲子纂又百有若干家篤於聞不以

仕爲事黜陟使其書以氏名聞除太子校書某年

月日死永州祁陽縣其鄉將死歎曰寧有聞而窮乎

將無聞而豐乎寧介而躓乎躓音致將溷而遂乎溷

國切所死葬其鄉所死後若干年柳先生來永州感其文不

大於世求其墓以石銘銘曰

困其獨豐其辱

續榮澤尉周君墓誌

前誌贈太傅崔公佑甫辭

太傅公既志榮澤君之葬明年為中書侍郎同中書

門下平章事以卒榮澤君之嗣曰膺備物具貨入于

汴汴陷于戎李希烈喪馬不果行會世難不幸膺亦

死膺之亞弟曰太素仕至雲陽令求其志將行謫南

柳文

十二卷

十二

海上元和九年移信州中無州字猶有累不克如

其鄉大懼緩慢茲久哭命其子某以某月日啓君之

喪至于某葬用某月甲子志用太傅公之辭又命河

東柳某書緩故且志終事之年月日

柳之碑誌凡過下位少年題枯而無事實者

精米倍生至于刻意長篇撰次功德反不能

奇器各有有限也

